

條例備考

禮部

卷之三

漢書門類	
九二四六號	函
一〇	架
二四	冊

內閣文庫	
九二四六號	函
二〇	架
二四	冊

內閣文庫	
番號	漢 9246
冊數	24 (11)
函號	296 80

共二十四



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



條例備考卷之三目錄

禮部

正文體一

慈宮發引二

比例附進科舉三

僧尼男女混雜四

災異如舊五

考官學行六

外篇官職權例取七

三場題目八

禁險怪九

應試生儒十

考官定去取十一



中試不論地方十二

考官徇私十三

小錄文十四

小錄板十五

小錄序十六



參詳小錄 十七

王府人員誑財打點 八

宗室奏訴 十九

定守令以覈實政 二十

早懲創以蘇民病 二十 嚴約束以正習俗 二十

宗室潛自赴京 三十

條例備考卷之三

禮部

正文體

一嘉靖十八年十二月內禮部題該巡按河南監

察御史聞人銓題為正文體端士習以一風俗

事竊惟以文取士

聖王令典文以載道十學上程恭遇

皇上龍飛建中立極率先斯訓每當試錄

進呈之日輒塵

一覽於凡文詞詭異離道叛經者

量爲黜罰明示約懲風行草偃之機十八年來固
宜不應無外但多士日繁性近習遠或少學而
壯違或終迷而未悟來歲復當鄉試之期設不
豫爲諄誥難免仍踵前愆夫載道之文春融
典雅真如布帛菽粟日用之不可缺而見之者
未必奇之詭於立論巧於取用者不自知其所
養之無實馳說口辨務以悅人或騁銜雕奇遠
模秦晉或沉溺恠誕宗尚老莊士君子以文用
世不法虞周而法秦晉不法孔孟而法老莊但
求字句之新奇不知去道爲已遠司考校者間

或意向少偏視聽有謬眩於華藻闇於理致徒
取夫虛誕之詞而不察其實德之病則寶燕石
而詆璠瑜以文求士之

令典將不免爲巧佞取容之厲階矣風聲溢流轉
相傳習奇怪之俗日盛而淳雅之氣日漓雖

誥戒屢勤而士風益下矣習俗至此不惟有累

聖人神明之化而且使小人得以濫竿于君子之選
其何以奉宣

德意而大作人之功乎萬一使其得志於時必將害
道伐德以貽患於四方世道所關豈細故哉伏

乞

軫念安民之難而要在得人知人之難而要在以文
特勅禮部遵查往牘申悉

聖謨備法正詞播告多士仍先責之學校而使提督
憲臣痛加黜罰必不以此應試復貴之場屋而
使考試各官公為品題決不以此中式則上下
各有所懲而求文以道士子咸知所學而日脩
于德文體正而道化日宣士習端而科舉得人
矣等因該本部查得嘉靖十一年正月內該本
部尚書夏 題為正文體以變士習事節奉

聖旨是文運有關國運所係不細近來士子經義說
異艱深大壞文體誠為害治恁部裏便出榜曉諭
今後會試文卷務要醇正典雅明白通暢的方許
中式如有仍前鈎棘奇僻痛加黜落甚則令主考
官指名具奏處治欽此又查得嘉靖十六年十一
月內該廣東布政司

進呈鄉試錄該本部參看得錄內字樣差錯數多
及策問兵戍詞多隱晦及引飛衛紀昌列子之
寓言及又設為黃郊紫微二君理虛子之問詭
異尤甚其考試官王本才等合行提問將原設

禮幣銀兩追奪還官其提調監臨等官陸木等及監臨御史余光通合提問等因題奉

聖旨是王本才等并黃仲陽等都着各該巡按御史查提了來問禮幣追奪還官陸木等及蔣塗等看巡撫都御史提問余光法司提問便行天下提學官嚴加禁革士子敢有肆為怪誕不遵舊式的即行黜退欽此又查得嘉靖十七年正月內該本部尚書嚴等題為申明正文體以變士習事奉聖旨是你部裏便出榜曉諭欽此欽遵外今該前因看得御史聞入銓以來歲當鄉試之期復以為

言蓋本官先年提學南直隸身有教士之責目擊當時之弊深懲往習故有此論臣等竊惟文之弊久矣轉移化導之機其要在於司考校者之責故知貢舉有歐陽脩則軋茁之自黜今試錄所刻之文士子視以為趨向彼見詭異不經之文尚在所錄必曰主司所崇尚如此有不靡然倣倣之乎如是雖日諄諄然戒之無益也本官奏稱先責之學校使提督憲臣痛加黜罰次責之場屋使考試等官公為品題決不以此中試此為知本之論相應議擬合候

命下通行各處提學官遵照本部節年題奉

欽依事理刊刻榜文播告多士各仰遵

聖訓為文必崇尚雅正根據經傳如有仍前收錄叛

經離道之文

進到試錄本部詳加翻閱查出奏

請將考試等官追奪禮幣監臨提調等官一體究問

治罪庶人皆知警言文體可正而士習可端矣等

因題奉

聖旨是便通行曉告今後鄉試錄進到你部裏務要

詳閱舉奏如有仍前叛經離道詭辭邪說定將監

臨考試等官罪黜取中舉人詳驗公據得實革退

為民欽此

慈宮發引二

一嘉靖十八年五月內禮部題為喪禮事節奉

聖諭恭奉 慈宮引發吉日用五月十七日子時真

獻使等官仍用原定官員一應禮儀亦且用原

定者如有增損臨期酌擬但改水程奉

梓宮行欽此臣等謹將 慈宮引發

二聖合塋禮儀查得原定節次量加增損謹逐一再

行開坐上

請其題 王一節原於 德勝門外

梓宮東行恭擬於通州奉 題以次日回京其奉送

梓宮官員原係陸行本部定擬三程分送今改用水

程合無送至張家灣恭祭而回及原定至承天

府各執事官太常寺光祿寺鴻臚寺錦衣衛科

道等衙門俱照舊差遣外其禮兵二部司屬官

今以堂官堂禮勲臣領兵則二項屬官應合裁

省伏乞

聖明裁奪奉

聖旨奠獻使等官仍用原定 王看輔臣與臣恭題

畢遣成國公希忠奉

王還京餘都依擬欽此

比例附近科舉 三

一嘉靖二十二年五月內禮部題該巡撫貴州右

副都御史劉彭年題為比例附科以一事體以

勵人財事據貴州左布政使侯緘會同提學副

使蔣信看得鎮遠清浪伍開平溪偏橋伍衛內

鎮遠清浪伍開三衛原各未經設有儒學其俊

秀軍舍向附貴州鎮遠黎平思州三府儒學教

養及歲貢與民生事體一同先年俱與三府民

生附搭雲南鄉試後因不便告改湖廣其歲貢
應試仍經貴州提學考選關送今因本省開設
科目告乞准照歲貢一體應試此蓋南北直隸
各省通例不獨瞿塘一衛為然惟偏橋平溪密
邇本省較之應試湖廣勞免十倍比例陳告節
年未已顧事體關係人材况今春有彼省撫按
批明若因鎮遠等三衛之便并議呈請未為非
宜所議賓興費用查得鎮遠清浪伍開歲貢俱
在貴州盤纏等費久係三衛出辦已成定規若
今准行就近附試賓興之費自有前例可比其

解額一節該部議開科目之初止以先附雲南
之數量為增益定數二十五名距今荷蒙振作
庠序講藝之人視昔委果加倍若非題

請額外增益實有窒礙難行等因備呈到臣會同巡
按貴州監察御史趙大祐議照貴州湖廣境土
交加府衛紛錯先因奉有附學明例清浪鎮遠
伍開平溪等衛分寄貴州思州鎮遠黎平等府
各學作養已久昔年赴試雲南跋涉關嶺盤江
險阻殊為不便是以舍近就遠甘歷沅湘洞庭
以應湖廣鄉試平溪雖以建學而清浪鎮遠伍

開三衛寄學如故今遇貴州開科四衛道途之
近不三百里而偏橋衛密邇尤甚既無瘴癘萬
山之險又無風波千里之危且清鎮伍開諸生
歲貢考校俱由貴州若就近應試於事委便於
理亦通其與平溪偏橋諸生節次比例呈乞再
三誠非得已但貴州解額先年題

請開科部議

欽定止以雲南分計量准二十五名數亦不多矧今
聖化洋溢人材彙征自設科以來秀拔間出之士連
捷會試俱不乏人卽無附科之議尤爲額少人

多茲以伍開應試預爲計之其考取軍生縱少
不下百人仍據舊額與之應試則進取愈難故
貴州士子不樂此舉良有因也今該諸司會議
旣明相應酌處伏望

皇上俯念邊方貧士之苦曲賜作養成就之仁乞
勅下該部查議等因抄呈到部查得嘉靖十年十月
內該本部題爲乞

恩比例附近科舉以便下情以圖補報事該遼東都
司衛學生員徐朝等奏稱正統年間撫臣始選
軍生應試原有渤海之便咨送山東科舉况今

禮部志書
多年海道不通乃使越過順天而遠赴山東往
返六千餘里辛苦不便乞要比照潼關宣府事
例附近順天府科舉等因該本部議得遼東欲
附順天應試委與潼關之附陝西宣府之附順
天事體相同况節該生員徐朝等并曹福等陳
奏煩煩似應俯從但係奏改就近科舉地方既
以更屬解額未免有拘今照遼東衛學遠去山
東六千餘里乃使越過順天而附於山東科舉
德州左等衛學本是山東地方而科舉返附於
順天通屬未便相應議處合行山東布政司及

咨都察院轉行直隸提學并遼東巡按御史知
會今後德州左等衛儒學聽山東提學官管轄
就山東布政司應試等因題奉
聖旨是依擬行欽此又查得嘉靖十四年八月內該
本部題為懇乞

天恩開設賢科以敦化本事該巡按貴州監察御史
王杏題本部議照我

朝設科取士每三年一舉兩京各省解額之衆多
視人材為等差先年以廣西貴州人材缺少故
將廣西附搭廣東貴州附搭雲南後廣西因人

材漸多題

准另自開科惟貴州仍附雲南應試節該彼處撫按等官具題止量增額數近該給事中田秋建議本部以未經查勘有礙題

請行令查議去後今該巡按御史王杏備細勘報前來相應准擬合無候

命下行令彼處撫按等官會同都布按三司即便動支前項無礙官銀建立科場依期開設鄉試以備一省賓興之制其原定鄉試解額雲南三十四名貴州二十一名今三省人材比昔倍盛伏

乞

聖裁每省均賜增加三五名以昭一代文明之盛等因題奉

聖旨是雲南鄉試解額准取四十名貴州二十五名欽此今該巡撫都御史劉彭年巡按御史趙大佑會奏前因為照清浪鎮遠伍開三衛軍生見附寄思州儒學肄業由貴州提學官考校至科舉之年并平溪偏橋二衛學軍生俱赴湖廣應試遠歷沅湘動經二千餘里方貴州未開科之時雖有未便比之赴試雲南稍為近易今貴州

幸我

聖明遠敷文化開設科場邊方士類咸蒙甄錄獨清
浪伍衛生儒猶拘舊轄遠赴湖廣鄉試涉歷艱
難志氣沮喪屢次比例呈告委非得已既該貴
州撫按等官劉彭年等會同湖廣撫按等官重
覆駁勘查議會題前來本部覆查有前項題

准附近科舉事例相應依擬合候

命下通行貴州湖廣撫按衙門今後清浪鎮遠伍開
平溪偏橋五衛軍生俱聽貴州提學官管轄科
舉俱考送貴州布政司應試所用賓興銀兩聽

其查照歲貢事例各衛出辦至欲量增該省額
額據所議請以五衛既准附試若中式名數猶
止仍舊則該省士子進身愈難似應酌處以廣
賢路但查得貴州鄉試原試雲南止取二十一
名近題開科

准取二十五名係奉

欽定制額難以復增且伍開雖准附試緣邊方才俊
有限決科未必能多合無行令貴州鄉試仍遵
照舊額從公選取待後人材日盛五衛中試漸
多本部另為酌量題

禮部卷三
請等因奉

聖旨是解額不必增欽此

僧尼男女混雜四

一嘉靖二十二年六月內禮部題為申明禁例以
正風俗事題稱尼僧本以女流托名戒行書掩
外門夜閉內戶實為風俗治道之累合行五城
曉諭禁約等因節奉

聖旨卿等說的是僧尼菴寺數多男女混雜有傷風
俗依擬禁約欽此又查本年十二月內節奉

聖諭禮部奏將尼姑庵院查毀朕思此輩委傷風化
着盡行拆毀又查得嘉靖十六年二月內該南京
守備太監潘真等題稱尼姑俱係良家子女欺
壞風俗等因該本部議擬合行彼處伍城林革
等因奉

聖旨是欽此俱經通行欽遵去後但日久人玩前弊
復生近訪得尼僧仍復潛聚京師或私置房產
或投托親知誘引良家婦女恣肆多端不可枚
舉若不申明先年

諭旨嚴加禁革則縱欲導流傷風敗俗愈甚而不可
制除行據五城兵馬指揮司許榜等各呈稱尼

僧真寶等共約三百名口及近據錦衣衛舍餘
劉瓚亦奏前事本部看得在京尼僧委的縱肆
效淫斃傷風俗誠爲可惡仰惟我

皇上臨御以來敦化立教崇正闢邪天下嚮風固已
翕然成俗矣伏見近日撤除番寺欽奉

聖諭爾等遵行弗得黨邪穢正臣等仰嘆
大聖人所爲真足以超邁百王垂順萬世也臣等恭
司邦禮敢不仰贊

休德竊照前項尼僧外假清戒以惑愚民內實淫汙
以壞名教雖節經本部題奉

欽依禁革還俗而依然尚存箴視無忌真爲世道民
風之累豈淺淺哉合候

命下移咨都察院轉行伍城巡視衙門嚴加曉諭禁
約責令蓄髮還俗及咨南京禮部并通行南北
直隸各省撫按官一體禁革其私創尼姑庵院
不拘在京在外未拆毀者通行查出拆毀其有
私置房產投托親知誘引非爲者在京聽緝事
衙門訪獲究治在外聽撫按官查究及照舊存
尼姑院本爲置之不給并老耄無歸者居住今
訪得年少尼僧亦有潛匿其間者合併行該城

巡視衙門督令兵馬司清查名口若干貧老者
照舊安插毋行引度以敗風俗年少者隨令還
俗嫁配及不許仍前藏立別處違者許地方宗
兩鄰首告再照有等遊方僧人等項常在街市
沿門持鉢化緣或多係姦細之徒假以為由卒
未可辦合行令五城地方盡行逐去奉
聖旨依擬着實舉行有不遵奉的着緝事衙門巡城
御史訪拏重治欽此

災異加省五

嘉靖十二年十二月內禮部題節該寧夏等處

督撫巡按等官楊李等奏為類奏災異事
各奏報所屬府州縣衛所地震等因通抄案呈
到部臣等竊惟

上天聰明苟無其故變不虛生詩曰畏天之威于時
保之言宜恐懼脩省則變災為福也

陛下敬德祈天脩道凝命其於彌災之道蓋無所不
至矣比來雷鳴星隕物異人妖四方奏報殆無
虛日傳曰天心仁愛人君則數出災異以譴告
之伏望

皇上體上天仁愛之心

勅下群工同加脩省尤望

聖明攬威福之權辨忠邪之分開忠正之路杜群枉
之門此實自古為治之常經今日彌災之要道
也

宗社幸甚蒼生幸甚等因嘉靖十二年本部尚書夏
等具題奉

聖旨知道了欽此又該本部題前事卷香嘉靖元年
等節該本部題奉

聖旨卿等說的是上天示戒近日京師地震各處
地方災異疊見朕心驚惕與爾文武群臣同加脩

省以回

天意便擇日齋戒遣官祭告

天地 宗廟 社稷

山川欽此俱經欽遵外今該前因竊惟類奏災異雖
係 累朝舊規然實

聖明克謹

天戒至意是以節年以來凡本部具題前事俱奉

諄復之旨申飭內外同加脩省非徒循故事飭虛文
而已昨該本部類奏仰奉 前旨其於

聖德謙冲似蒙

采聽而內外臣工則似無所施行雖臣等仰知
聖明在上應天之實不必以言然大小群工誰能遍

諭將謂

陛下以災異為諱以脩省為虛恐非所以謹

天戒明常憲而昭示天下者也臣等待罪禮官職司

聞奏四方災異既有所見不敢不言伏望

聖明留神鑒納特播

天語嚴飭中外大小臣工今後務宜仰體

天心不負君德惟公惟正去私毋濫朋比毋作好

惡以替成

皇上正大光明之治則

天意格而人心安矣天下幸甚等因奉

聖旨覽此奏前批委忽畧了天垂眷愛災異群方本

自朕召敢不省懼但內外大小百工均宜各加改

悟以彌變沴勿得視為故事便通行示悉欽此

考官學行六

一嘉靖十二年十月內該禮部題稱各處鄉試官

布按二司務要會同巡按御史從公訪求學問

老成行止端謹之士以禮聘取不許徇私將六

十以上并致仕養病見任府州縣官及不由科

日出身教官聽從囑託一槩濫請亦不許多數
越請若所謂考官遇有事故許原差人赴所在
提調學校官處改請相應教官各將舉到試官
開坐舉主職名隨小錄咨呈本部若所請非人
罪坐舉主

外簾官照舊例取七

一簾外執事官照依舊例取用不許過多其順天
應天二府官員不拘是否入院供事第男人等
俱不許朦朧入試以致寅緣中式

三場題目八

一試官所出三場題目提調監試官俱不許干預
其題目務要依經按傳不許偏主小說意外鑿
空摘裂牽綴有失本旨及問非所當干犯迴避
字樣

禁險怪九

一場中所作文字俱要純雅通暢不用浮華險怪
艱澁之詞策答不許引用謬誤雜書其陳及時
務須要斟酌得宜便於實用不許泛為誇大及
偏執私見有乖淳厚之風俱遵照本部題

准正文體事例着實舉行

應試生儒 十

一應貢生儒俱要本府州縣并衛所申送提調學校官遼東巡按御史先行嚴加考試中者方許入場不得將不熟三場初學之士及外處人民假以贅壻等項冒濫入試虛費供給亦不許仕宦子弟於父兄原任衙門移文起送其各生有重冒古今顯者姓名責令改正方許入場

考官定去取 十一

一文章純駁悉聽考官去取不許巧立簾外五經官干預考卷

中式不論地方 十二

一所取舉人止憑文字高下去取不得論其地方中式多寡臨時偏徇進黜以廢公論

考官徇私 十三

一考試官如有徇私作弊仍從監臨等官糾舉

小錄文 十四

一小錄文字務將文理純正者錄出不許監試提調等官各逞已能分派代作及將舉人原文改作刊刻其書寫刊刻俱要字畫真楷用黃紅綾殼裝演黃四本紅一本各用紅綾包袱裹試畢

同將本部備照小錄作急差人馳驛送部

小錄板 十五

一 小錄書板照本部會試錄式樣不許仍開掌行科舉文字吏典及謄錄對讀生員姓名

小錄序 十六

一 小錄序文內考試提調等官各開官職姓名不許稱臣并知貢舉字樣名目如會試錄例及稱張公李公字樣所給公據各要粘連三場文字仍將舉人原開的確年歲籍貫經書備開咨與備照鄉試錄一同送部以憑對查不許刻減年

歲及遺漏不報

參詳小錄 十七

一 各處進到小錄本部照依前項事理逐一參詳如有故違及差謬等項通行參奏究治

王府人員駐財打點 十八

一 嘉靖二十五年九月內禮部題該給事中李綸等題為陳時政以禪

聖化事奏稱

朝廷親親 王府為重而惇叙九族

聖王所先側聞各府宗室凡遇請名

請封該府辦事人役卽假以見部使用爲由騙財
物其請求旣得也則以爲打點之已驗其請之
不遂也則以爲財力之未敷致使

朝廷親親之典反爲奸猾射利之資雖經節有禁
約然而效尤不止伏乞

勅下緝事衙門凡有王府人役挾帶財物潛住京
師者卽係指稱打點之徒當時訪拏以彰

國法又聞各處宗室節因生育蕃滋祿糧時或
拖欠故間有貧乏不能自給者而請名

請封以至子女之婚配該府長史司官又或厚索謝

禮方肯保結又

親王之府多有撥置生事之人遇有

宗室代表奏事情亦必假以親王之意下索常禮

稍不如意百計留難以致子女之婚配失時

宗室之困抑無訴此非所以親九族而示萬民也

乞要禁革留難等因本部查得嘉靖二十四等

年節該給事中等官查乘彙等具

奏爲陳愚見廣

聖慈以仁宗室以隆治安事該本部覆議題奉

聖旨准議欽此俱經通行禁約去後今該前因相應

神宗卷三
申明覆奉

欽依通行各該巡按御史行令各該長史教授啓

王知會今後各宗室具啓封婚等項事情各置

立簿籍稽查如無違礙卽與依期奏

請毋使事歸下人致將具啓事情任意行止耽延歲

月不與轉奏亦不得聽信群小撥置將內外之

事一槩混行奏擾如有仍前故意留難不遵舊

例者許被害

宗室差人徑赴該省撫按衙門告理將撥置人役

指實具奏以憑查叅治罪及行五城將各府

祐檀先次具奏以伊母周氏三曾經奏

准爲妾又係妃妹妄行爭襲王爵先該本部議得周

盛祥長女已配

陽山王爲妃又將次女進與爲妾雖奉

特恩俞允終涉投獻之嫌已經題奉

武宗皇帝欽依通行各

王府禁約立爲定制以爲萬世不易之規而祐檀

自宜洗心滌慮仰遵

詔命以安分守今却乃因見

陽山王祐褐薨逝其子幼小輒生覬覦之心仍懷

非分之望聽人撥置違例驀越差人妄行具奏
不惟煩瀆

聖聽抑且事屬故違所據祐欝并齋本撥置之人俱
應查究合無移咨都察院轉行湖廣巡按御史
訪拏齋本撥置之人到官從重問擬照例發遣
仍行 襄府長史司啓

王知會祐欝嚴加切責以後不許似前驀越差人
妄行奏擾奉

聖旨是祐欝違例驀越妄奏好生不安分便行該府
長史司啓 王嚴加切責再來奏擾叅奏處治發

一併叅究若其奏不可行及曾具啓

親王赴告巡按御史已經據理斷遣乃猶不自脩
省復行陳瀆者不惟不准而且併議其罪靡事
姑息等因具啓到府臣等看得給事中李綸之
題深爲有見但其中隱弊實難盡觀且以各

宗室赴京路費以錢身勞以力其事有得已豈肯
自取辜責皆由

親王及管理府事郡王千方規利沮泥不行故有
十歲未名終身未嫁娶者告不勝其力奏不敢
與之用於我

聖祖及

皇上敦睦九族使萬物各得其所之意大相矛盾矣使各宗室有苦無告深爲可憫誠所謂不平之鳴也及其赴京復蒙譴責雖

朝廷必欲例嚴而告者均不獲申也且如臣府自臣始祖靖王及臣父懿王相傳皆以睦厚宗親爲首事臣雖至愚固不能繼述先志亦不敢棄抑舊法但各府始祖必有一定制睦之規嗣世子孫或有驕泰所養利欲所熏其不變舊法益鮮矣一變舊法則利害日生而於舊法不可望

其復也宗子之家益盛支子之家愈窮其欲得聖祖所難矣雖進請冠婚喪葬請封

請名之事無一事非利不可行也且又宗室犯罪祖宗定制縱有大過亦不加刑但明賞罰而已皇上嗣統匪不率由至於各府有付筆者有加慘酷者其不怨者焉能無以臣愚見伏望

聖上先

勅各府開陳

祖宗以來及

皇上敦睦宗親之道令其各要體守毋得似前妄爲

及其違犯不必參究輔導禁戒下人就將所統
親王或郡王量罰祿米示以懲創等因抄呈到部
查得嘉靖十一二十五年節因科道等
官建白該本部覆議題奉

欽依俱節次通行欽遵去後今該前因為照我

國家茂建

親郡王或有是心則情誼既洽寃抑不生尊卑大
小各正其所法懸于上而人自不犯豈非
聖世之瑞哉伏乞

天語特加褒獎仍令本部將

鄭王奏詞通行天下各

王府令長史司具啓

親郡王知會以示風勵但所據論罰係干

親郡王臣等未敢擅議合無今後各府將軍以下

但有越關來京奏事者除不係迫切事情照例

立案參究外其或事干婚封等項曾經啓

王果被抑勒不伸窮蹙之甚者亦除坐本位越關

之罪及輔導等官照例查參外仍將被抑緣由

具實上

聞請自

宸斷其將軍中尉管理府事者聽本部徑自叅奏使
責有所歸亦庶足以昭凌轢之戒而潛消將來
薦越之風矣奉

聖旨這宗室越關越嶠者禁例已詳比以遷發太重
又慮有情非得已每從寬處却往往玩法不悛今
後這等的着巡按御史勒限勘奏于礙親郡王朝
廷一體究治爾部裏還將各行勘未報的查催限
三個月裏回報處分仍通行各王府知悉欽此欽
遵

定守令以覈實政 二十

一嘉靖二十七年九月內都察院左都御史屠
題稱

國家設官凡以為民而守令於民尤為切要任斯
職者若惟知有民而不知有身惟知為

國而不知為官斯可望其有實政以惠下也近年
以來為郡縣者因久任之法不行而速化之心
聿起中間素有志卓者固不為搖惑其所存少
異焉者任滿三年即望遷轉而過此不遂者即
怨望以為淹滯而例應與有行取之人又皆按
月刻日以待部檄之至心既役於外慕志不切

於爲民凡于已倉庫錢糧獄囚詞訟地方盜賊
旱澇災傷等項關係民生重事一切皆無懇惻
幹理之誠而多致諸弊蔓滋以爲民病縱其平
素少有樹立而遷延觀望之間亦非地方之利
災變之生固有由召也合無乞

勅下本院行令各該撫按官申諭以

朝廷建官爲民之至意

皇上敬天憂民之實心而示以各敦安分服官之
定守毋計會於歲月惟加勉於有成毋墮隳其
初心益矜持於晚節務求悠久之實惠以淪浹

於閭閻斯懋德懋功之酬掌銓部者自脩資於
以次推轉其有政蹟卓異者亦必特論超陟固
不待覬覦而自均蒙褒異也如有沿襲故常甘
心沉溺惟圖苟就於功名而罔操存於上達者
卽行糾奏罷黜以無重貽民戚庶賢不肖各有
勸懲實政感孚而太和至治之福祥畢臻矣

早懲創以蘇民病 二十一

一都察院左都御史屠 題稱照得巡按御史舉
劾按屬官員固遵照

憲綱舊制並行不悖但近來巡按滿日所劾府州縣

官員類多不法顯著實跡或貪或酷柔姦廢事
或剛暴害物劾語連篇深可駭異多因各該官
員巧於彌縫勵於威劫以致下民不敢控訴上
司失於詳察遂得倖免於敗露稔惡於歲月巡
按官雖就事查警因無人告發又限於例難訪
問類於任滿依例劾奏其陰賊地方之深關係
民瘼之大召災致變莫此為甚合無乞

勅下本院行令各該巡按御史今後巡歷地方務要
看實訪求按屬賢否賢者勉其益脩職業其否
而未甚可棄者遵照

憲綱嚴行戒飭省令改過庶民其有戒飭之不悛或
甘自棄於污下者即時隨事按實或叅奏或提
問通行罷黜不拘於無人訴告限於例難訪究
使又為地方之蠹本院仍通行各巡撫官一體
悉心加慎訪究必使賢者勸而不肖者無所容
如此則斯民得蒙

聖澤之汪被而積隱以宣災變庶乎其不作矣
嚴約束以正習俗 二十二

一都察院左都御史屠 題稱竊惟天下風俗之
正必由於紀綱之振未有紀綱不振而能釐正

風俗者也凡撫按官奉

命在外行事其巡歷一府一州一縣自有該府州縣

官吏足以承應而集事不必再假於他處官員

以參錯其間至於應接員役一處交替一處往

回自足充用亦不必此府越至彼府此縣越至

彼縣涉遠迎送且載在

律令禁約甚明恭惟

皇上以義正天下以仁恤萬民固皆有程度永宜遵

守者第承平日久俗尚詭佞其勘事理刑等官

乘時以跟隨撫按委用越歷不止一府一縣

有耽延時月而不得回任者至於彼此迎送仍

多越境故違

明禁雖有各官預為禁止又有自生疑畏仍習故常

者及照各各司官員素性清慎簡約愛民者固

多其志意寬廣才性懷利者不少任情以行事

縱情而役物宴會交際之肆行爪牙威令之多

事凡務以悅人而不顧隱憂惟求以自快而不

知其貽害以上各項弊而言之一切視為尋常

皆因循莫知省改究而論之其供億以傷財勞

困以損民偏徇以行私廢時以失事百弊叢集

害正不小人怨天怒災異之召豈細故耶合無
乞

勅下本院通行各該撫按官務先貞度以率下執簡
以御繁凡巡歷所至一處事完更歷一處即令
本處官員俱回任辦事不許任憑隨帶雖有承
委未結者省令速結具文回報其越境迎送一
節亦要誠心禁約毋止事虛文如有違犯即行
舉聞以嚴警取信至於有司恃才性以妄作害
政者尤要悉心查訪逐一究正務使奢縱者反
廉欺橫者立志鑒前愆而善後圖庶綱紀振於

上風俗定於下民生各得其所而變自不患於
難回矣

宗室潛自赴京 二十三

一嘉靖二十九年六月內禮部題該給事中楊思
中題為申嚴禁例杜驀越以保安

宗室事竊惟

國家親親之制

恩典既優防範亦密故

宗室不得擅離封域一切應奏事宜皆啓

親郡王轉奏其有私自驀越來京者輕則降革爵

永吉卷三
祿重則送發高墻而輔導守門及沿途經過人員皆治罪焉以此爲防無非欲其全尊大之體享安靜之福也柰何法雖嚴而犯者益衆卽今數月之間來者已十餘次自此以往將不可勝計矣豈其盡有隱鬱而不得伸者卽

宗室派衍 天潢爲

國懿親使之有隱鬱而不得伸者非情也若聽其奔走往來溷糞於道途庸衆之中而損威傷重者非禮也查得嘉靖二十五年該禮部題奉

欽依議得

宗室奏訴事宜如

親郡王阻抑不與轉奏許差人具告撫按衙門議處如撫按推避許差人赴京陳奏蓋亦慮其才難抑措之弊而委曲立法宜乎無不伸之情矣乃今不行遵守皆親赴

闕廷雖觸冒禁例而不悔是豈無其故哉臣等訪係無籍生事之徒投充跟用假此以遂其騙詐之私在府則爲之教唆起滅在途則爲之伴送指引在京則爲之探聽窺伺事成則自以爲功而要其厚賄不成則亦索其盤費雇募之資

宗室生長富貴鮮經世故墮於術而不知則越關
踰境罔自愛惜者有由然矣幸蒙

皇上矜念本支特加寬宥所奏之事亦多

允行不然則情既不伸且陷於罪非所以保安

宗室於萬全之地也查得

王府撥置事例犯者問發邊衛充軍若跟隨赴京
之人誘引王使實與撥置同今止參論其薦越
及輔導等項人員之罪而不及其跟隨誘引之
人於法似有未盡有未盡之法則有未懲之姦
宜來者之未已也伏乞

勅下禮部再申前議等因抄呈到部查得正德三年

四月內該 寧化王府革爵庶人鍾鈞第六子

奇浚私自來京奏討冠帶等因本部查例覆題
奉

武宗皇帝聖旨奇浚越訴來京便差的當人送回寫

書與晉王嚴加管束所奏事情照例不行其設謀

撥置同來之人就着巡按御史用心追究務要得

獲奏來處治教授守門巡捕等項人役本都當查

究且饒這遭今後將軍中尉庶人有私逃來京的

定發鳳陽高墻內居住恁還通行文書與各府長

史司知道欽此又查得嘉靖十一等年節該本部
議得

郡王將軍中尉等俱以

宗室懿親不遵禮法徃徃越關赴京陳奏覆奉

欽依移咨都察院通行各該有

王府地方刊刻板榜禁諭各該

宗室但有應奏事件照例啓 王轉奏毋得違

訓玩法擅離封域自取卑辱若不行悔改仍蹈故轍

者聽本部參奏情輕者革去 依情重者送發

高墻奏詞徑自查參立案不 違禁約去後

今該前因為照我

國家之於宗室名封婚祿

請給有定期授予有定

制所以優厚之者既如此慮其情有不能通寬有不

得白申命

親郡王但有虧苦與分理轉奏及不許輔導等官

抑勒所以

體念之者又如此至擅離封域重則發處高墻輕亦

革去爵秩所以禁制之者又如此為

宗室者寧無感

恩守訓知耻畏罪之心哉然而違例越奏前後不已
只今數月之間周府輔國將軍同銑等

潘府奉國將軍胤煥等靖江王府奉國中尉約
町等來者凡十餘輩叅治未畢而

周府鎮國中尉睦棨庶長男山陰王府輔國將軍
成欽庶長男等又已越關而至此其故何也臣
等再三尋訪委由無籍之徒投充跟用撥置不
宗室給以赴京親奏則事皆可得

宗室一時誤聽帶領同來偶途所置彼則指為已
功邀求賞勞或罹於罪彼則闕然而散不與其

憂及或本部叅奉

欽依差官送回該府彼則又跟隨撥置橫索經過驛
遞衙門供億打發肆無忌憚計其所得

宗室不過十之二三而彼無不滿其欲者大抵

宗室出城有利有害惟此輩則有利無害故無籍
之徒一日不去則

宗室越奏之擾終不可得絕該科所論可謂切而
中矣合將前項節年題奉

明旨事例再加申明通行各

王府及撫按衙門知會如遇

宗室一應奏訴事情照例啓

王轉奏或被故意刁難阻滯不行許家人赴撫按衙門從實具告爲其代奏議處如有不獲准理方許令人赴京抱奏各該衙門查處情詞果有冤枉應辯祿價應給卽與施行若未經啓告徑自驀越赴

闕奏擾除照例參究奏詞一槩立案不行外仍容本部及緝事衙門并巡視五城御史密切體訪撥置同來之人并窩藏之家拏送法司照依律例從重問遣及行各該撫按轉行各有司驛遞今


後遇該宗室伴送回還但有批關無名之人跟隨同行不拘人數多寡卽便拏送撫按衙門研審來歷問發不許容縱則

宗室不惑於誑誘不陷於罪愆

朝廷優厚體念之恩旣全而禁制之法亦行矣再照前項無籍之徒不獨

宗室出城一節被其撥置其於各府例不該行事亦用前術誑挾錢物假充官旗名色齎本到京交通積年光棍歇家任意費用及至回府藉口打點捏數花銷財旣侵匿事復無證私橐充盈

而各宗室之財力則陰被其耗蠹內外百司之名節則咸被其玷累其為可惡視前所云尤有甚者本部及緝事巡視衙門一體嚴訪拏問仍行各布政司轉行長史司啓王各自查訪痛行黜逐奉



聖旨是各宗室奏訴事情着照例啓王轉奏如有阻抑許令赴撫按衙門告理代奏今後越關來京將撥置同來之人訪拏治罪其各府例不該行事務潛住打點人役着緝事衙門嚴訪拏問重治欽此條例備考禮部卷之三終

